

四庫全書

集部

欽定四庫全書

御定全唐詩卷二百四

楊賁

楊賁天寶三年登第詩一首

時興

貴人昔未貴咸願寒微及自登樞要何曾問布衣平
明登紫閣日晏下彤闈擾擾路傍子無勞歌是非

李清

李清登天寶十二年進士第詩一首

詠石李倫

金谷繁華石李倫
只能謀富不謀身
當時縱與綠珠去
猶有無窮歌舞人

陳李

陳李天寶十五年及第詩二首

鶴警露

南國商飈動東臯
野鶴鳴溪松寒暫
宿露草滴還驚欲

有高飛意空聞召侶情
風間傳藻質月下引清聲
未假搏扶勢焉知羽翼輕
吾君開太液願得應皇明

湘靈鼓瑟

神女泛瑤瑟古祠嚴野亭
楚雲來泱泱湘水助清泠
妙指微幽契繁聲入杳冥
一彈新月白數曲暮山青
調苦荆人怨時遙帝子靈
遺音如可賞試奏為君聽

王邕

王邕天寶進士詩二首

湘靈鼓瑟

寶瑟和琴韻靈妃應樂章依稀聞促柱髣髴夢新妝波

外聲初發

一作新度

風前曲正長淒清

一作涼

和萬籟斷續繞

三湘轉覺雲山迥空懷杜若芳誰能傳此意雅奏在宮

商

嵩山望幸

峻極位何崇方知造化功降靈逢聖主望幸表維嵩隱
映連青壁嵯峨向碧空象車因叶瑞龍駕願升中萬歲

聲長在千巖氣轉雄東都歌盛事西笑佇皇風

莊若訥

莊若訥天寶進士詩一首

湘靈鼓瑟

帝子鳴金瑟餘聲

一作音

自抑揚悲風絲上斷流水曲中

長出沒遊魚聽逶迤彩鳳翔微音時

一作初

扣徵雅韻乍

含商神理誠難測幽情詎可量至今聞古調應恨滯三

湘

魏瓘

魏瓘天寶進士詩一首

湘靈鼓瑟

瑤瑟多哀怨朱絃且莫聽扁舟三楚客聚竹二妃靈
淅瀝聞餘響依稀欲辨形柱間寒水碧曲裏暮山青
良馬悲銜草遊魚思繞萍知音若相遇終不滯南溟

王顥

王顥永州太守詩一首

懷素上人草書歌

一本作王邕詩
今從統藏另編

衡陽雙峽插天峻，青壁巉巖萬餘仞。此中靈秀衆所知，
草書獨有懷素奇。懷素身長五尺四，嚼湯誦咒吁可畏。
銅餅錫杖倚閒庭，斑管秋毫多逸意。或粉壁或綵牋，蒲
葵絹素何相鮮。忽作風馳如電掣，更點飛花無散雪。寒
猿飲水撼枯藤，壯士拔山伸勁鐵。君不見張芝昔日稱
獨賢，君不見近日張旭爲老顛。二公絕藝人所惜，懷素
傳之得真跡。崢嶸蹙蹙出海上，山突兀狀成湖畔石。一縱

又一橫一竒又一傾臨江不羨飛帆勢下筆長為驟雨
聲我牧此州喜相識又見草書多慧力懷素懷素不可
得開卷臨池轉相憶

竇冀

竇冀官御史詩一首

懷素上人草書歌

狂僧揮翰狂且逸獨任天機摧格律龍虎慚因點畫生
雷霆却避鋒鋩疾魚鱗素豈不貴只嫌局促兒童戲

粉壁長廊數十間興來小豁胸心一作襟氣長幼集賢豪

至枕糟藉麴猶半醉忽然絕叫三五聲滿壁縱橫千萬
字吳興張老爾莫顛葉縣公孫我何謂如熊如羆不足
比如虺如蛇不足擬涵物為動鬼神泣狂風入林花亂
起殊形怪狀不易說就中驚燥尤枯絕邊風殺氣同慘
烈崩槎卧木爭摧折塞草遙飛大漠霜胡天亂下陰山
雪偏看一作有能事轉新奇郡守王公同賦詩枯藤勁鐵
魄三舍驟雨寒猿驚一時此生絕藝人莫測假此常為

護持力連城之壁不可量五百年知草聖當

魯收

魯收大厯時人詩一首

懷素上人草書歌

吾觀文士多利用筆精墨妙誠堪重身上藝能無不通
就中草聖最天縱有時興酣發神機抽毫點一作吮墨縱

橫揮風聲吼烈隨手起龍蛇迸落空壁飛連拂數行勢
不絕藤懸查盞生奇節劃然放縱驚雲濤或時頓挫紫

毫髮自言轉腕無所拘大笑義之用陣圖狂來紙盡勢
不盡投筆抗聲連叫呼信知鬼神助此道墨池未盡書
已好行路談君口不容滿堂觀者空絕倒所恨時人多
笑聲唯知賤實一作實翻貴名觀爾向來三五字顛奇何
謝張先生

朱逵一作遙

朱逵處士詩一首

懷素上人草書歌

幾年出家通宿命一朝却憶臨池聖轉腕推鋒增崛崎
秋毫繭紙常相隨衡陽客舍來相訪連飲百杯神轉王
忽聞風裏度飛泉紙落紛紛如跼鵲形容脫畧真如助
一作脫落心思周游在何處筆下惟看激電流字成只
任真助

畏盤龍去怪狀崩騰若轉蓬飛絲歷亂如迴風長松老
死倚雲壁感浪相翻驚海鴻于今年少尚如此歷覩一作
觀遠代無倫比妙絕當動鬼神泣崔蔡幽魂更心死

許瑤

許瑤官御史詩一首

題懷素上人草書

志在新奇無定則古瘦離繩半無墨醉來信手兩三行
醒後却書書不得

御定全唐詩卷二百四

欽定四庫全書

御定全唐詩卷二百五

包佶

包佶字幼正天寶六年及進士第累官諫議大夫坐善
元載貶嶺南劉晏奏起為汴東兩稅使晏罷以佶充諸
道鹽鐵輕貨錢物使遷刑部侍郎改祕書監封丹陽郡
公詩一卷

祀風師樂章

迎神

太皞御氣句芒肇功蒼龍青旗爰候祥風律以和應神
以感通鼎俎脩饗時惟禮崇

奠幣登歌

旨酒告潔青蘋應候禮陳瑤幣樂獻金奏彈弦自昔解
凍惟舊仰瞻盼饗羣祥來湊

迎俎酌獻

德盛昭臨迎拜異方爰候發生式薦馨香酌醴具舉工

歌再揚神歌入律恩降百祥

亞獻終獻

簪鄉備玉帛陳風動物樂感神三獻終百神臻草木榮
天下春

送神

微穆數華能應節飄揚發彩宜行慶送迎

一作送迎

靈駕神

心饗跪拜靈壇禮容盛氣和草木發萌芽德暢禽魚遂
翔泳永望翠蓋逐流雲自茲率土調春令

祀雨師樂章

迎神

陟降左右誠達幽圓作解之功樂惟有年雲輶戾止灑
霧飄煙惟馨展禮爰列豆邊

奠幣登歌

歲正朱明禮布玄制惟樂能感與神合契陰霧離披靈
馭搖裔膏澤之慶期於稔歲

迎俎酌獻

陽開幽蛰躬奉鬱鬯禮備節應震來靈降動植求聲飛
沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功乘煙燎
儼從風

送神

整駕升車望寥廓垂陰薦祉蕩昏氛饗時靈貺儻如在
樂罷餘聲遙可聞飲福陳誠禮容備撤俎終獻曙光分

跪拜臨壇結空想年年應節候油雲

答竇拾遺卧病見寄

今春扶病移滄海幾度承恩對白花送客屢聞簾

一作簾

外鵲銷愁已辨酒中虵瓶開枸杞懸泉水鼎鍊芙蓉伏
火砂誤入塵埃牽吏役羞將簿領到君家

對酒贈故人

扶起離披菊霜輕喜重開醉中驚老去笑裏覺愁來月
送人無盡風吹浪不回感時將有寄詩思澀難裁

同李吏部伏日口號呈元庶子路中丞

火炎逢六月金伏過三庚幾度衣裳汗

一作滌

誰家枕簟

清頒冰無下位裁扇有高名吏部還開甕殷勤二客情

卿一作

嶺下卧疾寄劉長卿員外

唯有貧無病能令親愛疎歲時供放逐身世付空虛脰
弱秋添絮頭風曉廢梳波瀾喧衆口藜藿靜吾廬喪馬
思開卦占鵲嬾發書十年江海隔離恨子知予

戲題諸判官廳壁

六十老翁無

一作何

所取二三君子不相遺願留今日交

歡意直到隳官謝病時

酬兵部李侍郎晚過東廳之作

時自刑部侍郎拜祭酒

酒禮慙先祭刑書已曠官詔馳黃紙速身在絳紗安聖位登堂靜生徒跪席寒庭槐暫搖落幸為入春看

昭德皇后挽歌詞

西祀馳暉過東園別路長歲華唯隴柏春事罷公桑龜

兆開泉戶禽巢閉畫梁更聞哀禮過明詔制心喪

秋日過徐氏園林

回塘分越水古樹積吳煙掃竹催鋪席垂蘿待繫船
烏窺新罅栗龜上半敲蓮屢入忘歸地長嗟俗事牽

雙山過信公所居

遙禮前朝塔微聞後夜鐘人間第四祖雲裏一雙峰
積雨封苔徑多年亞石松傳心不傳法誰可繼高蹤

尚書宗兄使過詩以奉獻

洛下交親滿歸閒意有餘翻嫌舊坐宅却駕所一作新懸

車腹飽山僧供頭輕侍婢梳上官唯揖讓半祿代耕鉏
雨散三秋別風傳一字書勝遊如可繼還欲並園廬

抱疾謝李吏部贈訶黎勒葉

一葉生西徼齋來上海查歲時經水府根本別天涯方
士真難見商胡輒自誇此香同異域看色勝仙家茗飲
暫調氣梧丸喜伐邪幸蒙祛老疾深願駐韶華

奉和柳相公中書言懷

運籌時所貴前席禮偏深羸駕歸貧宅敲冠出禁林鳳
巢方得地牛喘最關心雅望期三入東山未可尋

客自江南話過亡友朱司議故宅

交臂多相共

一作失

風流憶此人海翻移里巷書蠹積埃

塵奉佛棲禪久辭官上疏頻故來分半宅惟是舊交親

酬于侍郎湖南見寄十四韻

桂嶺千崖斷湘流一派通長沙今賈傅東海舊于公章
甫經殊俗離騷繼雅風金閨文作字玉匣氣成虹翰墨

時招

一作無

侶丹青夙在公

一作工

主恩留左掖人望積南

宮巧拙循名異浮沈顧位同九遷歸上畧三已契愚衷

責謝庭中吏

一作禮

悲寬塞上翁楚材欣有適燕石愧無

功山曉重嵐外林春苦霧中雪花翻海鶴波影倒江楓
去札頻逢信回帆早挂空避賢方有日非敢愛微躬

朝拜元陵

宮前石馬對中峰雲裏金鋪閉幾重不見露盤迎曉日
唯聞木斧扣寒松

發襄陽後却寄公安人

揮淚送迴人將書報所親
晚年多疾病中路有風塵
王粲頻徵楚君恩許入秦
還同星火去馬上別江春

立春後休沐

心與青春背新年亦掩扉
漸窮無相學惟避不材譏
積病攻難愈銜恩報轉微
定知書課日優詔許辭歸

宿廬山贈白鶴觀劉尊師

蒼蒼五老霧中壇
杳杳三山洞裏官
手護崑崙象牙簡

心推霹靂棗枝盤春飛雪粉如一作毫潤曉漱瓊膏冰
齒寒漸恨流年筋力少惟思露冕事星冠

觀壁畫九想圖

一世榮枯無異同百年哀樂入歸空
夜闌烏鵲相爭處林下真僧在定中

送日本國聘賀使晁巨卿東歸

上才生下國東海是西鄰
九譯蕃君使千年聖主臣
野情偏得禮木性本含真一作仁
錦帆乘風轉金裝照地新

孤城開蜃閣曉日上朱輪早識來朝歲塗山玉帛均

顧著作宅賦詩

幾年江海煙霞乘醉一到京華已覺不嫌羊酪誰能長
守兔置脫巾偏招相國逢竹便認吾家各在芸臺閣裏
煩君日日登車

近獲風痺之疾題寄所懷

病夫將已矣無可答君思衾枕同羈客圖書委外孫久
來從吏道常欲奉空門疾走機先息敲行力漸煩無醫

能却老有變是游魂鳥宿還依伴蓬飄莫問根寓形齊
指馬觀境制心猿唯借南榮地清晨暫負暄

奉和常閣老晚秋集賢院即事寄贈徐薛二侍

郎

祕殿掖垣西書樓苑樹齊秋煙凝縹帙曉色上璇題門
接承明近池連太液低疎鐘文馬駐繁葉綠禽栖職美
綸將綉榮深組及珪九霄偏眷顧三事早提攜對案臨
青玉窺書捧紫泥始歡新遇重還一作懷惜舊遊睽左宦

登吳岫分家渡越溪賦中頻歎鵬卜處幾聽雞望闕應
多戀臨津不用迷柏梁思和曲朝夕候金閨

酬顧況見寄

于越城邊楓葉高

一作落

楚人書裏寄離騷寒江鷓鴣思

儔侶歲歲臨流刷羽毛

歲日作

一作口號

更勞今日春風至枯樹無枝可寄花覽鏡唯看飄亂髮
臨風誰為駐浮槎

元日觀百僚朝會

萬國賀唐堯
清晨會百寮
花冠蕭相府
繡服霍嫖姚
壽色凝丹檻
歡聲徹九霄
御鑪分獸炭
仙管弄雲韶
日照金觴動
風吹玉佩搖
都城獻賦者
不得共趨朝


再過金陵

玉樹歌終王氣收
鴈行高送石城秋
江山不管興亡事
一任斜陽伴客愁

寄楊侍御

一作包何詩

一官何幸得同時十載無媒獨見遺今日不論腰下組
請君省取鬢邊絲



欽定四庫全書

御定全唐詩
卷二百五

御定全唐詩卷二百五

欽定四庫全書

集部

御定全唐詩卷二百六至
十

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣鮑之鍾

謄錄監生臣齊兆求

欽定四庫全書

御定全唐詩卷二百六

李嘉祐

李嘉祐字從一趙州人天寶七年擢第授秘書正字坐事謫鄱江令調江陰入為中臺郎上元中出為台州刺史大厯中復為袁州刺史與嚴維劉長卿冷朝陽諸人友善為詩麗婉有齊梁風集一卷今編詩二卷

江上曲

江心澹澹芙蓉花江口蛾眉獨浣紗可憐應是陽臺女

對坐鷺鷥嬌不語掩面羞看北

一作此

地人回身

一作首

忽

作空山雨

一作巫山雨

蒼梧秋色不堪論千載依依帝子魂

君看峰上斑斑竹盡是湘妃泣淚痕

傷吳中

館娃宮中春已歸闔閭城頭鶯已飛復見花開人又老

橫塘寂寂柳依依憶昔吳王在宮闕館娃滿

一作賣

眼者

花發舞袖朝欺陌上春歌聲夜怨江邊月古來人事亦

猶今莫厭清觴與綠琴獨向西山聊一笑白雲芳草自
知心

夜聞江南人家賽神因題即事

南方淫祀

一作祠

古風俗楚姬

一作媼

解

一作能

唱迎神曲鎗

鎗銅鼓蘆葉深寂寂瓊筵江水綠雨過風清洲渚閒椒

漿醉盡迎神還

一作神欲還

帝女凌空下湘岸番君隔浦向

堯山月隱回塘猶自舞一門依倚神之祐韓康靈

一作賣

藥不復求扁鵲醫方曾莫覩逐客臨江空自悲月明流

水無已時聽此迎神送神曲攜觴欲弔屈原祠

古興

十五小家女雙鬟人不如蛾眉暫一見可直千金餘自
從得向蓬萊裏出入金輿乘玉趾梧桐樹上春鴉鳴曉
伴君王猶未起莫道君恩長不休婕妤團扇苦悲秋君
看魏帝鄴都裏惟有銅臺漳水流

雜興

花間昔日黃鸝轉妾向青樓已生怨花落黃鸝不復來

妾老君心亦應變君心比妾心妾意舊來深一別十年
無尺素歸時莫贈路傍金

送韋邕少府歸鍾山

一本題作送韋山人歸鍾山別業

祈門官罷後

一作旗亭閣書罷

負笈向桃源萬卷長開帙千峰

不閉

一作掩

門綠楊垂野渡

一作徑

黃鳥傍山村念爾能高

枕丹墀會一論

送盧員外往饒州

為郎復典郡錦帳映朱輪露冕隨龍節停橈得水人早

霜蘆葉變寒雨石榴新莫怪諳風土三年作逐臣

送裴五歸京口

君罷江西日家貧為一官還歸五陵去一作上只向遠峰

看暮色催人別秋風待雨寒遙知到三徑唯有菊花殘

送嚴維歸越州

艱難只用武歸向淞河東松雪千山暮林泉一水通鄉

心緣綠草野思看青楓春日一作好偏相憶裁書寄剡中

送杜士瞻楚州觀省

風流與才思俱似晉時人
淮月歸心促一作速江花入興

新雲深滄海暮柳暗白田春
共道官猶小憐君孝養親

送裴宣城上元所居

水流過海稀爾去換春衣
淚向檣榔盡身隨鴻雁歸
草思晴後發花怨雨中飛
想到金陵渚酣歌對落暉

留別毘陵諸公

久作涪一作峯陽令丹墀忽再還
淒涼辭澤國離亂到鄉

山北固灘一作潮

聲滿南徐

草色閒知心從此別
相憶鬢

毛斑

送獨孤拾遺先輩先赴上都

行春日已曉
桂檝逐寒煙
轉曲遙峰出
看濤極浦連
入京當獻賦
封事更聞天
日日趨黃閣
應忘雲海邊

常州韋郎中汎舟見餞

主人馮軾貴
送客汎舟稀
逼岸隨芳草
回橈背落暉
映花雙節駐
臨水伯勞飛
醉與羣公狎
春塘露冕歸

送崔侍御入朝

十年猶執憲萬里獨歸春
舊國逢芳草青雲見故人
潘郎今髮白陶令本家貧
相送臨京口停橈淚滿巾

送岳州司馬弟之任

岳陽天水外念爾一帆過
野墅人煙迥山城雁影多有
時巫峽色終日洞庭波
丞相今為郡應無勞者歌

裴侍御見贈斑竹杖

騷人誇竹杖贈我意何深
萬點湘妃淚三年賈誼心
願持終白首誰道貴黃金
他日歸愚谷偏宜綠綺琴

送張觀

一作勸

歸袁州

羨爾湘東去煙花尚可親綠芳深映鳥

一作馬

遠岫遞迎

人飢狄啼初日殘鶯惜暮春遙憐謝客興佳句又應新

冬夜饒州使堂餞相公五叔赴歙州

丞相過邦牧清絃送羽觴高情同客醉子夜為人長斜
漢初過斗寒雲正護霜新安江自綠明主待惟良

蔣山開善寺

一作崔峒詩

山殿秋雲裏香煙出翠微客尋朝磬至僧背夕陽歸下

界千門在前朝萬事非
看心兼送目葭莢自依依

晚發江寧道中呈嚴維

惆悵遙江路蕭條落日過
蟬鳴獨樹急鴉向古城多轉
曲隨青嶂因高見白波
潘生秋徑草嚴子意如何

句容縣東青陽館作

句曲千峰暮歸人向遠
煙風搖近水葉雲護欲晴

一作霜

天夕照留山館秋光落草

一作野

田征途傍斜日一騎獨

翩翩

晚春宴無錫蔡明府

一作長官

西亭

茅簷閒寂寂無事覺人和井近時澆圃城低下見河興
緣芳草積情向遠峰多別日歸吳地停橈更一過

送王端赴朝

君承明主意日日上丹墀東閣論兵後南宮草奏期人
稀傍河處槐暗入關時獨遣吳州客平陵結夢思

送王正字山寺讀書

欲究先儒教還過支遁居山

一作藤

堦閒聽法竹

一作寺

獨看書向日荷新卷迎秋柳半疎風流有佳句不一作
似帶經鋤

送房明府罷長寧令湖州客舍

君爲萬里宰恩及五湖人未滿先求退歸閒不厭貧遠
峰晴更近殘柳雨還新要自趨丹陛明年雞樹親

詠螢

映水光難定凌虛體自輕夜風吹不滅秋露洗還明向
燭仍分焰投書更有情猶將流亂影來此傍簷楹

送李中丞楊判官

射策名先著論兵氣自雄能全李布諾不道魯連功
流水蕪陵外諸山睥睨中別君秋日晚回首夕陽空

至七里灘作

遷客投於越臨江淚滿衣獨隨流水遠轉覺故人稀
萬木迎秋序千峰駐晚暉行舟猶未已惆悵暮潮歸

南浦渡口

寂寞橫塘路新篁覆水低東風潮信滿時雨稻杭齊寡

婦共租稅漁人逐鼓輦慙無卓魯術解印謝黔黎

暮秋遷客增思寄京華

宋玉怨三秋張衡復四愁思鄉雁北至欲

一作歎

別水東

流倚樹看黃葉逢人訴

一作話

白頭佳期不可失

一作見

落

日自登樓

送蘇修往虢

愛爾無羈束雲山恣意過一身隨遠岫孤擢任輕波世事關心少漁家寄宿多蘆花泊舟處江月奈人何

題王十九茆堂

滿庭多種藥入里作山家終日能留客凌寒亦對花海
鷗過竹嶼門柳拂江沙知爾卑棲意題詩美白華

送弘志上人歸湖州

山林唯幽靜行住不妨禪高月穿松逕殘陽過水田

一作

泉詩從宿世悟法為本師傳能使南人敬修持香火緣

送陸士倫宰義興

陽羨蘭陵近高城帶水閒淺流通野寺綠茗蓋春山長

吏多

一作先

愁罷遊人詎肯還知君日清淨無事掩重關

和張舍人中書宿直

漢主留才子春城直紫微對花間闔靜過竹吏人稀裁
詔催添燭將朝欲更衣玉堂宜歲久且莫厭彫闌

司勳王郎中宅送韋九郎中往濠州

憐爾因同舍看書似外家出關逢落葉傍水見寒花送
遠添秋思將衰戀歲華清淮倍相憶回首莫令賒

晚春送吉校書歸楚州

吉中孚曾為道士

詩人饒楚思淮上及春歸舊浦菱花發一作待閒門柳絮

飛高名鄉曲重少事道流稀定向漁家醉殘陽卧釣磯

送嚴二擢第東歸

隸官就賓薦時輩詎爭先盛業推儒行高科獨少年迎
秋見衰葉餘照逐鳴蟬舊里三峰下開門古縣一作道前

送冷朝陽及第東歸江寧

高第由佳句諸生似者稀長安帶酒別建業候潮歸稚
子歡迎擢隣人為掃扉含情過舊浦鷗鳥亦依依

送越州辛法曹之任

但能一官適莫羨五侯尊山色垂

一作同

趨府潮聲自到

門緣塘剡溪路映竹五湖村王謝登臨處依依今尚存

送樊兵曹潭州謁韋大夫

塞鴻歸欲盡北客始辭春零桂雖逢竹湘川少見人江
花鋪淺水山木暗殘春修刺轅門裏多憐爾為親

送杜御史還廣陵

慙君從弱歲

一作冠

顧我比諸昆同事元戎久俱承國士

思隨鶯過淮水看柳向轅門草色金陵岸思心那可論
送兗州杜別駕之任

停車邀別乘促軫奏胡笳若見楚山暮因愁浙水賒河
堤經淺草村徑歷繁花更有堪悲處梁城春日斜

題裴十六少卿東亭

平津舊東閣深巷見南山卷箔嵐煙潤遮牕竹影閒傾
茶兼落帽戀客不開關斜照窺簾外川禽時往還

同皇甫侍御題薦福寺一公房

虛室獨焚香
林空靜磬長
閒窺數竿竹
老在一繩床
啜茗翻真偈
然燈繼夕陽
人歸遠相送
步履出回廊

送從姪端之東都

虜近人行少
憐君獨出城
故關逢落葉
寒日逐徂征
聞笛添歸思
看山愜野情
皇華今絕少
龍頷也相迎

送王諫議充東都留守判官

時稱謝康樂
別事漢平津
衰柳寒關道
高車左掖臣
背河見北雁
到洛問東人
憶昔遊金谷
相看華髮新

和都官苗員外秋夜省直對雨簡諸知己

多一作久

雨南宮夜仙郎寓上

一作

直時漏長丹鳳闕秋冷

老一作

白雲司

一作詞

螢影侵堦亂鴻聲出苑遲蕭條人吏

散一作靜

小謝有新詩

送從弟歸河朔

故鄉那可到令弟獨能歸諸將矜旄節何人重布衣空
城流水在荒澤舊村稀秋日平原路蟲鳴桑葉飛

送崔夷甫員外和蕃

君過湟中去尋源未是賒經春逢白草盡日度黃沙雙
節行為伴孤烽到似家和戎非用武不學李輕車

春日長安送從弟尉吳縣

春愁能浩蕩送別又如何人向吳臺遠鶯飛漢苑多見
花羞白髮因爾憶滄波好是神仙尉前賢亦未過

元日無衣冠入朝寄皇甫拾遺冉從弟補闕紆
伏奏隨廉使周行外冗員白髭空受歲丹陛不朝天秉
燭下官去垂簾一室眠羨君青瑣裏並冕入爐煙

和韓郎中楊子津翫雪寄嚴維

雪深楊子岸看柳盡成梅
山色潛知近潮聲只聽來夜
禽驚曉散春物受寒催
粉署生新興瑤華寄上才

送王牧往吉州謁王使君叔

細草綠汀洲王孫耐

一作奈

薄遊年華初冠帶文體舊弓

裘野渡花爭發春塘水亂流
使君憐

一作矜

小阮應念倚

門愁

廣陵送林宰

清政過前哲香名達至尊明通漢家籍重識府公恩
春景生雲物風潮斂雪痕長吟策羸馬青楚入關門

贈衛南長官赴任

吏曹難茂宰主意念疲人更事文犀節還過白馬津
雲間辭北闕樹裏出西秦為報陶明府裁書莫厭貧

自常州還江陰途中作

處處空籬落江村不忍看無人花色慘多雨鳥聲寒
黃霸初臨郡陶潛未罷一作去官乘春務征伐誰肯問凋殘

潤州楊別駕宅送蔣九侍御收兵歸揚州

冷

一作

氣清金虎兵威壯鐵冠揚旌川色暗

一作

吹角

水風寒人對輜輶醉花垂

一作

睥睨殘羹歸丞相閣

一作

府

空望舊門

一作

欄

仲夏江陰官舍寄裴明府

萬室邊江次孤城對海安朝霞晴作雨濕氣晚生寒

色侵衣桁潮痕上井欄題詩招茂宰思爾欲辭官

送夏侯審參軍遊江東

袖中多麗句未遣世人聞
醉夜眠江月閒時逐海雲
荻花寒漫漫鷗鳥暮羣羣
若到長沙苑漁家更待君

送袁員外宣慰勸農畢赴洪州使院

聖主臨前殿殷憂遣使臣
氣迎天詔喜恩發土膏春
草色催歸擢鶯聲為送人
龍沙多道里流水自一作日相親

送侍御史四叔歸朝

淮南頻送別臨水惜殘春
攀折隋宮柳淹留秦地人
含情歸上國論舊見平津
更接天津近餘花映綬新

登楚州城望驛路十餘里山村竹林相次交映
十里山村道千峰櫟樹林霜濃竹枝亞歲晚荻花深草
市多樵客漁家足水禽幽居雖可羨無那子牟心

奉陪韋潤州遊鶴林寺

野寺江城近雙旌五馬過禪心超忍辱梵語問多羅松
竹間僧老雲煙晚日和一作寒塘歸路轉清磬隔微波

奉酬路五郎中院長新除工部員外見簡

一門同秘省萬里作長城問絹蓮花府揚旗細柳營詞

鋒偏却敵草奏直論兵何幸新詩贈真一作甘輸小謝名

送韋司直西行

此公深
入道門

不恥青袍故尤宜白髮新
心朝玉皇帝貌似紫陽人
湘浦眠銷日桃源醉度春
能文兼證道莊叟是前身

送上官侍御赴黔中

莫向黔中路令人到欲迷
水聲巫峽裏山色夜郎西
樹隔朝雲合猿窺曉月啼
南方饒翠羽知爾飲清溪

送元侍御還荆南幕府

迢遞荊州路山多水又分霜林澹寒日朔

一作故朝鴈蔽

南雲八座由持節三湘亦置軍自當行直拍應不為功
勲

登湓城浦望廬山初晴直省齋敕催赴江陰

西望香爐雪千峰晚色

一作照

新白頭悲作吏黃紙苦

一作

更催人多負登山屐深藏漉酒巾傷心公府內手板日
相親

九日

惆悵重陽日空山野菊新蕪陵百戰地江海十年人歎
老看衰柳傷秋對白蘋孤樓聞夕磬塘路向城闌

九日送人

晴景應重陽高臺愴遠鄉水澄千室倒霧卷四山長受
節人逾老驚寒菊半黃席前愁此別未別已沾裳

春日淇上作

一作漢
口春

淇上

一作水

春風

一作來

漲鴛鴦逐

一作送

浪飛清明桑葉小

度雨杏花稀衛女紅粧薄王孫白馬肥相將踏青去不

解惜羅衣

送從叔陽冰祇召赴都

自小從遊慣多由戲笑偏常時矜禮數漸老荷優憐見
主承休命為郎貴晚年伯喈文與篆虛作漢家賢

送友人入湘

聞說湘川路年年苦雨

一作湖水

多猿啼巫峽雨月照洞庭

波窮海人還去孤城雁共過青山不可極來往自蹉跎

送裴員外往江南

公務江南遠留驩幕下榮楓林緣楚塞水驛到湓城岸
草知春晚沙禽好夜驚風帆幾度泊處處暮潮聲

登秦嶺

南登秦嶺頭回望始堪愁漢闕青門遠高山藍水流三
湘遷客去九陌故人遊從此辭鄉淚雙垂不復收

送張惟儉秀才入舉

清秀過終童攜書訪老翁以吾為世舊憐爾繼家風淮
岸經霜柳關城帶月鴻春歸定得意花送到東中

送韋侍御湖南幕府

執憲隨征虜逢秋出故關
雨多愁郢路葉下識衡山地
遠役軍樂兵強分野閒
皇家不易將此去未應還

同皇甫冉赴官留別靈一上人

法許廬山遠詩傳休上人
獨歸雙樹宿靜與百花親
對物一作劫雖留興觀空已悟身
能令折腰客遙賞竹房春

送客遊荊州

草色隨驄馬悠悠共出秦
水傳雲夢曉山接洞庭春
帆

影連三峽猿聲在四隣青門一分首難見杜陵人

與鄭錫遊春

東門垂柳長回首獨心傷日暖臨芳草天晴憶故鄉映
花鶯上下過水蝶悠颺借問同行客今朝淚幾行

故燕國相公輓歌二首

文若為全德留侯是重名論公

一作功

長不宰因病得無

生大夢依禪定高墳共

一作仰

化城自應憐寂滅人世但

傷情

共美持衡日皆言折檻時蜀侯

一作臣

供廟畧漢主缺台

司車馬行仍止笳蕭咽又悲今年杜陵陌

一作柏

殄瘁百

花遲

故吏部郎中贈給事中韋公挽歌二首

神理今何在斯人竟若斯顏淵徒有德伯道且無免白

髮今非老青雲數有奇誰言夕郎拜翻向夜臺悲

社里東城接松阡北地開聞笳春色慘執紼故人哀終

日南山對何時渭水回仁兄與恩舊相望泣泉臺

御定全唐詩卷二百六

欽定四庫全書

御定全唐詩卷二百七

李嘉祐

和袁郎中破賊後經剡縣山水上太尉

受律仙郎貴長驅下會稽
鳴笳山月曉搖旆野雲低
翦寇人皆賀迴軍馬自嘶
地閒春草綠城靜夜烏啼
破竹清閨嶺看花入剡溪
元戎催獻捷莫道事攀躋

送評事十九叔入秦

白露沾蕙草王孫轉憶歸蔡州新戰罷郢路去人稀謁
帝不辭遠懷親空有違孤舟看落葉平楚逐斜暉北闕
見端冕南臺當繡衣唯余播遷客只伴鷓鴣飛

贈王八衢

一本此下有州字

丹地偏相逐清江若有期腰金才子貴剖竹老人遲桂
楫閒迎客茶甌對說詩渚田分邑里山樹挂罾罾心靜
無華髮人和似古時別君遠山去幽獨更應悲

入睦州分水路憶劉長卿

北闕忤明主南方隨白雲
汭灘草色應接海鷗羣
建德潮已盡新安江又分
回看嚴子瀨朗詠謝安文
雨過暮山碧猿吟秋日曛
吳洲不可到刷鬢為思君

奉和杜相公長興新宅即事呈元相公

意有空門樂居無甲第奢
經過容法侶雕飾讓侯家
隱樹重簷肅開園一逕斜
攬梧聽好鳥行藥寄名花
夢蝶留清簟垂貂坐絳紗
當山不掩戶映日自傾茶
雅望歸安石深知在叔牙
還成吉甫頌贈荅比瑤華

江湖秋思

翅陪禁掖鴈行隨
遷向江潭鶴髮垂
素浪遙疑八谿水
清楓忽似萬年枝
嵩南春徧傷魂夢
壺口雲深隔路岐
共望漢朝多霈澤
蒼蠅早晚得先知

送朱

一作宋

中舍游江東

孤城郭外送王孫
越水吳洲共爾論
野寺山邊斜有徑
漁家竹裏半開門
青楓獨映搖前浦
白鷺閒飛過遠村
若到西陵征戰處
不堪秋草自傷魂

送竇拾遺赴朝因寄中書十七弟

竇拾遺叔向其弟竇舒也

自歎未霑黃紙詔
那堪遠送赤墀人
老為僑客偏相戀
素是詩家倍益親
妻兒共載無羈思
鴛鴦同行不負身
憑爾將書通令弟
唯論華髮愧頭巾

自蘇臺至望亭驛人家盡空春物增思悵然有

作因寄從弟紆

南浦菰蔣覆白蘋
東吳黎庶逐黃巾
野棠自發空臨

一作

流水江燕初歸
不見人遠岫

一作樹

依依如送客
平田渺

渺獨傷春那堪回首長洲苑烽火年年報虜塵

承恩量移宰江邑臨鄱江悵然之作

四年謫宦滯江城未厭門前鄱水清誰言宰邑化黎庶
欲別雲山如弟兄雙鷗為底無心狎白髮從他遶鬢生
惆悵閒眠臨極浦夕陽秋草不勝情

題靈臺縣東山村主人

處處征胡人漸稀山村寥落暮煙微門臨莽蒼經年閉
身逐嫖姚幾日歸貧妻白髮輸殘稅餘寇黃河未解圍

天子如今能用武祇應歲晚息兵機

同皇甫冉登重玄閣

高閣朱欄不厭遊
蒹葭白水遶長洲
孤雲獨鳥川光暮
萬井千山海色秋
清梵林中人轉靜
夕陽城上角偏愁
誰憐一作堪遠作秦吳別
離恨歸心雙淚流

宋州東登望題武陵驛

梁宋人稀鳥自啼
登艫一望倍含悽
白骨半隨河水去
黃雲猶傍郡城低
平陂戰地花空落
舊苑春田草未齊

明主頻移虎符守幾時行縣向黔黎

晚登江樓有懷

獨坐南樓佳興新青山綠水共為隣爽氣遙分隔浦岫
斜光偏照渡江人心閒鷗鳥時相近事簡魚竿私自親
只憶帝京不可到秋琴一弄欲沾巾

遊徐城河忽見清淮因寄趙八

自緣遲暮憶滄洲翻愛南河濁水流初過重陽惜殘菊
行者舊浦識羣鷗朝霞映日同歸處暝柳搖風欲別秋

長恨相逢即分首含情掩淚獨回頭

題遊仙閣白

一作息

公廟

仙冠輕舉竟何之薜荔緣堦竹映祠
甲子不知風馭日朝昏唯見雨來時
霓旌翠蓋終難遇流水青山空所思
逐客自憐雙鬢改焚香多負白雲期

送鄭正則漢陽迎婦

錦字相催鳥急飛郎君暫脫老萊衣
遙想雙眉待人畫行看五馬送潮歸
望夫山上花猶發新婦江邊鶯未稀

令秩和鳴真可羨此行誰道負春輝

送皇甫冉往安宜

江皋盡日唯煙水君向白田何日歸楚地蕪葭連海迥
隋朝楊柳映堤稀津樓故市無行客山館荒城閉落暉
若問行人與征戰使君雙淚定霑衣

晚發咸陽寄同院遺補

征戰初休草又衰咸陽晚眺淚堪垂去路全無千里客
秋田不見五陵兒秦家故事隨流水漢代高墳對石碑

回首青山獨不語
羨君談笑萬年枝

早秋京口旅泊章侍御寄書相問因以贈之時

七夕

移家避寇遂行舟
厭見南徐江水流
吳越

一作地

征徭非

舊日秣陵凋弊不宜秋
千家閉戶無砧杵
七夕何人望

斗牛祇有同時驄
馬客偏宜

一作題

尺牘問窮愁

秋曉

一作晚

招隱寺東峰茶宴送內弟闍伯均歸

江州

萬畦新稻傍山村數里深松到寺門幸有香茶留穉子
一作穉子不堪秋草送王孫煙塵怨別唯愁隔井邑蕭條誰
忍論莫怪臨岐獨垂淚魏舒偏念外家恩

送嚴員外

一作劉長卿詩

春風倚櫂闔閭城水國春寒陰復晴細雨濕衣看不見
閒花落地聽無聲日斜江上孤帆影草綠湖南萬里情
君去若逢相識問青袍今已誤儒生

赴南中留別褚七少府湖上林亭

一作劉長卿詩

種田東郭傍春陂萬事無情把釣絲綠竹放侵行逕裏
青山常對卷簾時紛紛花發門空閉寂寂鶯啼日更遲
從此別君千萬里白雲流水憶佳期

與從弟正字從兄兵曹宴集林園

竹窓松戶有佳期美酒香茶慰所思輔嗣外生還解易
惠連羣從總能詩簷前花落春深後谷裏鶯啼日暮時
去路歸程仍待月垂韁不控馬行遲

酬皇甫十六侍御曾見寄

此公時貶
舒州司馬

自顧衰容累玉除忽承優詔赴銅魚江頭鳥避青旄節
城裏人迎露網車長沙地近悲才子古郡山多憶舊廬
更枉新詩思何苦離騷愁一作怒處亦無如

暮春宜陽郡齋愁坐忽枉劉七侍御新詩因以
酬答

子規夜夜啼櫛葉遠道逢春一作春來半是愁芳草伴人還
易老落花隨水亦東流山臨睥睨恒多雨地接瀟湘畏
及秋唯羨君為周柱史手持黃紙到滄洲

送舍弟

諸謝偏推永嘉守三何獨許水曹郎
老兄鄙思難傳匹令弟清詞堪比量
疊嶂入雲藏古寺高秋背月轉南湘
定知馬上多新句早寄袁溪書八行

送從弟永任饒州錄事參軍

一官萬里向千溪水宿山行魚浦西
日晚長煙高岸近天寒積雪遠峰低
蘆花渚裏鴻相叫苦竹叢邊猿暗啼
聞道慈親倚門待到時蘭葉正萋萋

送馬將軍奏事畢歸滑州使幕

吳門別後蹈滄州帝里相逢俱白頭
自歎馬卿常帶病還嗟李廣未封侯
棠梨宮裏瞻龍袞細柳營前著豹裘
想到滑臺桑葉落黃河東注荻花秋

聞逝者自驚

亦知死是人間事年老聞之心自疑
黃卷清琴總爲累落花流水共添悲
願將從藥看真訣又欲休官就本師
兒女眼前難喜捨彌憐雙鬢漸如絲

傷歙州陳二使君

憐君辭滿

一作病

卧滄洲一旦云亡萬事休慈母斷腸妻

獨泣寒雲慘色水空流江村故老長懷惠山路孤猿亦
共愁寂寞荒墳近漁浦野松孤月即千秋

白田西憶楚州使君弟

山陽郭裏無潮野水自向新橋魚網平鋪荷葉鷺鷥閑
步稻苗秣陵歸人惆悵楚地連山寂寥却憶士龍賓閣

清琴綠竹

一作水

蕭蕭

送陸澧還吳中

一作劉長卿詩

瓜步寒潮送客楊，花莫雨霑衣。
故鄉南望何處，秋水連

天獨歸。

春日憶家

一作春日歸山

自覺勞鄉夢，無人見客心。
空餘庭草色，日日伴愁襟。

遠寺鐘

疎鐘何處來，度竹兼拂水。
漸逐微風聲，

一作飲

依依猶在

耳。

白鷺

江南淥水多，顧影逗輕波。
落日秦雲裏，山高奈若何。

夜宴南陵留別

雪滿前庭月色閒，主人留客未能還。
預愁明日相思處，匹馬千山與萬山。

題前溪館

兩年謫宦在江西，舉目雲山要自迷。
今日始知風土異，潯陽南去鴈鵠啼。

過烏公山寄錢起員外

雨過青山猿叫時
愁人淚點石榴枝
無端王事還相繫
腸斷薰葭君不知

寄王舍人竹樓

傲吏身閒笑五侯
西江取竹起高樓
南風不用蒲葵扇
紗帽閒眠對水鷗

韋潤州後亭海榴

江上年年小雪遲
年光獨報海榴知
寂寂山城風日暖

謝公含笑向南枝

送崔十一弟歸北京

潘郎美貌謝公詩
銀印花驄年少時
楚地江皋一為別
晉山沙水獨相思

訪韓司空不遇

圖畫風流似長康
文詞體格效陳王
蓬萊對去一作秦對歸

常晚叢竹

一作奏

閒飛滿夕陽

題道虔上人竹房

詩思禪心共竹閒任他流水向

一作到

人間手持如意高

窓裏斜日沿江千萬山

秋朝木芙蓉

水面芙蓉秋已衰繁條到是著花時
平明露滴垂紅臉似有朝開暮落悲

袁江口憶王司勳王吏部二郎中起居十七弟

京華不啻三千里客淚如今一萬雙
若個最為相憶處青楓黃竹入袁江

答泉州薛播使君重陽日贈酒

欲強登高無力去，
籬邊黃菊為誰開。
共知不是尋陽郡，
那得王弘送酒來。

題張公洞

空山杳杳鸞鳳飛，
神仙門戶開翠微。
主人白髮雪霞衣，
松間留我談玄機。

句

水田飛白鷺，
夏木轉黃鸝。

李肇稱嘉祐有此句，王右丞取以為七言，今集中無之。

白馬撼金珂紛紛侍從多身居驃騎幕家住滹沱河

少年行
詩式

溪北映初星

海錄
碎事

御定全唐詩卷二百七

欽定四庫全書

御定全唐詩卷二百八

包何

包何字幼嗣潤州延陵人融之子與弟佶齊名世稱二
包登天寶進士第大歷中為起居舍人詩一卷

送泉州李使君之任

一作送李使
君赴泉州

傍海皆荒服分符重漢臣雲山百越路市井十洲人執
玉來朝遠還珠入貢頻連年不見雪到處即行春

和孟虔州閒齋即事

古郡鄰江嶺公庭半薜蘿
府寮閒不入山鳥靜偏過
睥睨臨花柳欄干枕芰荷
麥秋今欲至君聽兩岐歌

同李郎中淨律院梔子樹

本一作木

梔稀難識沙門種
則生葉殊經寫字
予為佛稱

名漣水澆新長燃燈暖更榮
亭亭無別意只是勸修行
同閻伯均宿道士觀有述

南國佳人去不迴
洛陽才子更須媒
綺琴白雪無心弄

羅幌清風到曉開
冉冉修篁依戶牖
迢迢列宿映樓臺
縱令奔月成仙去
且作行雲入夢來

送烏程王明府貶巴江

一片孤帆無四鄰
北風吹過五湖濱
相看盡是江南客
獨有君為嶺外人

同舍弟佶班韋二員外秋苔對之成詠

每看苔蘚色如向
簿書閒幽思纏
芳樹高情寄遠山
雨痕連地綠日色
出林斑却笑興公
賦臨危滑石間

送王汶

一作文

宰江陰

郡北

一作此郡

乘流去花間竟日行海魚朝滿市江鳥夜喧

城止酒非關病援琴不在聲應緣五斗米數日滯淵明

和苗員外寓直中書

一作和苗員外寓直寄臺中舍弟

朝列稱多士君家有二難貞為臺裏柏芳作省中蘭夜

宿

一作直

分曹濶

一作間

晨

一作朝

趨接武歡每憐雙闕下鴈

序入鴛鸞

闕下芙蓉

一人理國致昇平萬物呈祥助聖明
天上河從闕下過江南花向殿前生
慶雲垂蔭開難落湛露為珠滿不傾
更對樂懸張宴處

一作
莫虛

歌工欲奏採蓮聲

江上田家

近海川原薄人家本自稀
黍苗期臘酒霜葉是寒衣
市

井誰

一作
雖

相識漁樵夜始歸
不須騎馬問恐畏

一作
是

狎

鷗飛

送韋侍御奉使江嶺諸道催青苗錢

近遠

一作近

役王事南行處處經手持霜簡白心在夏苗

青迴鴈書應報愁猿夜

一作客

屢聽因君使絕域方物盡

來庭

和程員外春日東郊即事

郎官休浣憐遲日野老歡娛為有年幾處折花驚蝶夢

數家留葉待蠶眠藤垂宛

一作委

地縈珠履泉迸侵堦浸

綠錢直到閉關朝謁去鶯聲不散

一作語

柳含煙

裴端公使院賦得隔簾見春雨

細雨未成霖垂簾但覺陰
唯看上砌濕不遣入簷深
度隙霑霜簡因風潤綺琴
須移戶外屨簷溜夜相侵

相里使君第七男生日

一作生日

娶妻生子復生男獨有君家衆
所談荀氏八龍唯欠一
桓山四鳳已過三
他時幹蠶聲名著今日懸弧宴樂酣
誰道衆賢能繼體
須知箇箇出於藍

同諸公尋李方直不遇

聞說到揚州吹簫憶舊遊
人來多不見莫是上迷樓

婺州留別鄧使君

西掖馳名久東陽出守時江山婺女分風月隱侯詩別恨雙溪急留歡五馬遲迴舟映沙嶼未遠剩相思

寄楊侍御

一作包信詩

一官何幸得同時十載無媒獨見遺今日不論腰下組請君看取鬢邊絲

賦得秤送孟孺卿

願以金秤鉗

一作秤

因君贈別離鉤懸新月吐衡舉衆星

隨掌握湏

一作應

平執錙銖必盡知由來投分審莫放

一作

被弄權移

長安曉望寄崔補闕

一作司空曙詩

迢遞山河擁帝京參差宮殿接雲平
風吹曉漏經長樂柳帶晴煙出禁城
天淨笙歌臨路發日高車馬隔塵行

自憐久滯諸生列未得金閨藉姓名

曙詩末句與此異云獨有淺才甘未

達自慚名在魯諸生

御定全唐詩卷二百八

欽定四庫全書

御定全唐詩二百九

賈邕

賈邕天寶九年登進士第詩一首

送蕭穎士

一作夫子

赴東府得路字

劉太真撰序

蕭夫子赴東府門人送者十二人劉太真為之序
云先師微言既絕者十有餘載至夫子而後洵美
無度得夫天和頃東倭之人踰海來賓舉其國俗

願師於夫子弗敢私請表聞於天子夫子辭以疾而不之從也退然貧居述作萬卷去其浮辭存乎正言昔左氏失於煩穀梁失於短公羊失於俗而夫子為其折衷王公交辟拒而不應從官三年始參謀於洛京家兄與先鳴者六七人奉壺開筵執弟子之禮於路左太真以文求進以無聞見舉而不恡為夫子羞春雲輕陰草色新碧皎皎疋馬出於青門吾徒喟然瞻望不及賦詩仰餞者自相里

造賈邕以下凡十二人皆及門之選也

按序稱賦詩十二人

紀事以鄔載不預會僅得九人之詩所闕者相里造及劉太真詩其一人并姓名亦逸之矣
穎士門人可考者自賦詩諸賢外有尹徵王恒盧異盧士式趙匡闕士和柳并及李陽李幼卿皇甫冉陸渭而賈邕之受業在穎士客漢陽時云

予欲適東周門人盈岐路高標信難仰
薄官非始務綿邈千里途裴回四郊暮征車日云遠
撫已慙深顧

劉舟

一作冉

劉舟天寶中登進士第詩一首

送蕭穎士

一作夫子

赴東府得適字

大名掩諸古獨斷無不適德遂天下宗官為幕中客驪
山浮雲散灞岬零雨夕請業非遠期圓光再生魄

長孫鑄

長孫鑄天寶十二年登進士第詩一首

送蕭穎士

一作夫子

赴東府得離字

大德詎可擬高梧有長離素懷經綸具昭世猶安卑落
日去關外悠悠隔山陂我心如浮雲千里相追隨

房白

房白天寶中登進士第詩一首

送蕭穎士

一作夫子

赴東府得還字

夫子高世蹟時人不可攀
今予亦云幸謬得承溫顏良
策資入幕遂行役近關青春
灞亭別此去何時還

元晟

元晟河南府進士詩一首

送蕭穎士

一作夫子

赴東府得引字

吾見夫子德誰云習相近數仞不可窺言味終難盡處
喧慮常澹作吏心亦隱更有嵩少峰東南為勝引

劉太冲

劉太冲彭城人天寶十二年登進士第詩一首

送蕭穎士

夫一作子赴東府得淺字

吾師繼微言贊述在墳典寸祿聊自資平生宦情鮮

遲東州

一作周

路春草深復淺日遠夫子門中心曷由展

姚發

姚發天寶十二年登進士第詩一首

送蕭穎士

一作夫子

赴東府得草字

天生良史筆浪跡擅文藻中夏授參謀東夷願聞道行
軒翫春日餞席藉芳草幸得師李良欣留篋笥寶

鄭愕

鄭愕天寶十二年登進士第詩一首

送蕭穎士

一作夫子

赴東府得往字

斤溪數畝田素心擬長往繫君曲得引使我纓俗網風

塵豈不勞道義成心賞春郊桃李月忍此戒征兩

殷少野

殷少野天寶十二一作六年登進士第詩一首

送蕭穎士一作夫子赴東府得散字

官閒幕府下聊以任縱誕文學魯仲尼高標嵇中散出門時雨潤對酒春風暖感激知己恩別離魂欲斷

鄔載

鄔載天寶十二年登進士第詩一首

送蕭穎士

一作夫子

赴東府得君字

策名十二載獨立先斯文

一作邇爾

來及門者半已昇青

雲青雲豈無姿黃鵠素不羣一辭芸香吏幾歲滄江濱

散職既不羈天聽

一作聰

亦昭聞雖承急賢詔未謁陶唐

一作唐虞

君薄俸還自急此言那足云和風媚東郊時物滋

南薰蕙草正可摘豫章猶未分宗師忽千里使我心氛氲

御定全唐詩卷二百九